



გორის მუნიციპალიტეტის

საკრებულოს

განკარგულება № 104

2022 წლის 10 ივნისი

ქალაქი გორი

„გორის მუნიციპალიტეტის საგანმანათლებლო, კულტურული და ახალგაზრდული ღონისძიებების წახალისების და დაჯილდოვების 2022 წლის პროგრამის დამტკიცების შესახებ“ გორის მუნიციპალიტეტის საკრებულოს 2022 წლის 14 იანვრის №4 განკარგულებაში ცვლილების შეტანის თაობაზე

„გორის მუნიციპალიტეტის საგანმანათლებლო, კულტურული და ახალგაზრდული ღონისძიებების წახალისების და დაჯილდოვების 2022 წლის პროგრამის დამტკიცების შესახებ“ გორის მუნიციპალიტეტის საკრებულოს 2022 წლის 14 იანვრის №4 განკარგულებით დამტკიცებული ქვეპროგრამის ფარგლებში მიზანშეწონილია გათვალისწინებულ იქნეს საზაფხულო ბანაკის მოწყობა გორის მუნიციპალიტეტის საჯარო და კერძო სკოლების 2021-2022 სასწავლო წლის კურსდამთავრებულებისთვის, მე-12 კლასელებისთვის და გორის მუნიციპალიტეტის უმაღლესი სასწავლო დაწესებულების სტუდენტებისთვის, რომელიც მიზნად დაისახავს ახალგაზრდების ჩართულობის გაზრდას ადგილობრივი თვითმართველობის პროცესებში, კერძოდ, გადაწყვეტილების მიღების პროცესში ახალგაზრდების ჩართულობის სტიმულირებას. საზაფხულო ბანაკის მონაწილეები ბანაკში არაფორმალურ გარემოში გაივლიან სატრენინგო კურსს კვალიფიციური ტრენერებთან შემდეგ თემატიკაზე: ა) სტრესის მართვა, ეფექტური კომუნიკაცია; ბ) სამოქალაქო აქტივიზმი და მისი ფორმები; გ) ადგილობრივი თვითმართველობა და ამომრჩეველი; დ) ადგილობრივი პრობლემების ანალიზი და ადვოკატირება;

საზაფხულო ბანაკის შემდეგ ახალგაზრდებს ექნებათ შესაბამისი უნარები მოიძიონ ინფორმაცია და მოახდინონ პრობლემების იდენტიფიცირება ან თავად გაუწიონ ადვოკატირება მათთვის საჭირო და აქტუალურ საკითხებს, ჰქონდეთ მჭიდრო კომუნიკაცია ადგილობრივ თვითმართველობასთან და ერთობლივი ძალისხმევით გადაჭრან მათთვის მნიშვნელოვანი საკითხები.

ბენეფიციართა შერჩევის კრიტერიუმებია: გორის მუნიციპალიტეტის საჯარო და კერძო სკოლების 2021-2022 სასწავლო წლის კურსდამთავრებულები, გორის მუნიციპალიტეტის საჯარო და კერძო სკოლების მე-12 კლასელები და გორის მუნიციპალიტეტის უმაღლესი სასწავლო დაწესებულების სტუდენტები;

გათვალისწინებული იქნება, რომ ბენეფიციარმა უნდა წარმოადგინოს სამოტივაციო წერილი.

ქვეპროგრამის ფარგლებში საზაფხულო ბანაკის ბენეფიციართა შერჩევა განხორციელდება ორ ეტაპად: I ეტაპი - სააპლიკაციო ფორმების გადარჩევა კრიტერიუმების შესაბამისად; II ეტაპი - გასაუბრება.

ქვეპროგრამის ფარგლებში საზაფხულო ბანაკის ბენეფიციართა შერჩევის პირველი ეტაპის (სააპლიკაციო ფორმების გადარჩევა) განხორციელებას უზრუნველყოფს შესაბამისი სტრუქტურული ერთეული, ხოლო მეორე ეტაპის განხორციელებას (გასაუბრება) - გორის მუნიციპალიტეტის მერის ბრძანებით შექმნილი სამუშაო ჯგუფი, რომლის რეკომენდაციის საფუძველზე საბოლოო გადაწყვეტილებას მიიღებს მერი;

ქვეპროგრამის ფარგლებში გორის მუნიციპალიტეტის მერია შეისყიდის საჭირო მომსახურებას „საზაფხულო ბანაკის“ განსახორციელებლად.

ზემოაღნიშნულის გასათვალისწინებლად, გორის მუნიციპალიტეტის საკრებულოს მიზანშეწონილად მიაჩნია შევიდეს სათანადო ცვლილება „გორის მუნიციპალიტეტის საგანმანათლებლო, კულტურული და ახალგაზრდული ღონისძიებების წახალისების და დაჯილდოვების 2022 წლის პროგრამის დამტკიცების შესახებ“ გორის მუნიციპალიტეტის საკრებულოს 2022 წლის 14 იანვრის №4 განკარგულებაში.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის პირველი და მე-2 პუნქტების, საქართველოს კანონის „საქართველოს ზოგადი ადმინისტრაციული კოდექსი“-ის 63-ე მუხლის შესაბამისად, გორის მუნიციპალიტეტის საკრებულო ადგენს:

1. „გორის მუნიციპალიტეტის საგანმანათლებლო, კულტურული და ახალგაზრდული ღონისძიებების წახალისების და დაჯილდოვების 2022 წლის პროგრამის დამტკიცების შესახებ“ გორის მუნიციპალიტეტის საკრებულოს 2022 წლის 14 იანვრის №4 განკარგულებით დამტკიცებული დანართი №1 შეიცვალოს ახალი დანართი №1-ით (თან ერთვის 3 ფურცლად).
2. განკარგულება ძალაში შევიდეს ხელმოწერისთანავე.
3. განკარგულების გასაჩივრება შესაძლებელია დაინტერესებული პირის მიერ მისი გაცნობის დღიდან ერთი თვის განმავლობაში სარჩელის წარდგენის გზით გორის რაიონულ სასამართლოში (მისამართი ქ. გორი, სერგო ჯორბენაძის ქ. №30).

საკრებულოს თავმჯდომარე



დავით რაზმაძე

გორის მუნიციპალიტეტის საგანმანათლებლო, კულტურული და ახალგაზრდული
ღონისძიებების წახალისების და დაჯილდოვების 2022 წლის პროგრამა

1. პრიორიტეტის დასახელება, რომლის ფარგლებშიც ხორციელდება პროგრამა: განათლება;
2. პროგრამის დასახელება: „გორის მუნიციპალიტეტის საგანმანათლებლო, კულტურული და ახალგაზრდული ღონისძიებების წახალისების და დაჯილდოვების 2022 წლის პროგრამა“;
3. პროგრამის განმახორციელებელი: გორის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახური
4. პროგრამის განხორციელების პერიოდი: 2022 წელი (საბიუჯეტო წლის განმავლობაში);
5. პროგრამის დაფინანსების წყარო: გორის მუნიციპალიტეტის ბიუჯეტი;
6. პროგრამის მიზანი: მუნიციპალიტეტის ზოგადსაგანმანათლებლო დაწესებულებებში მოსწავლე-ახალგაზრდების დაინტერესებისა და ჩართულობის გაზრდა გორის მუნიციპალიტეტის მერიის განათლების მუნიციპალურ პროგრამაში. გორის მუნიციპალიტეტში შემოქმედი, წარმატებული ხელოვანების, საპატიო გორელების დაჯილდოვება და მათ წახალისება. სოციალურად აქტიური ახალგაზრდების წახალისება.
7. პროგრამა შედგება სამი ქვეპროგრამისგან:
 - ა) სკოლისგარეშე განათლების ხელშეწყობა და დაფინანსება/თანადაფინანსება (პროგ. კოდი 040201)
 - ბ) კულტურული ღონისძიებების ხელშეწყობა და თანადაფინანსება (ორგ. კოდი: 05 02 01)
 - გ) ახალგაზრდული ღონისძიებების ხელშეწყობა (ორგ.კოდი: 05 02 09)

8. სკოლისგარეშე განათლების ხელშეწყობა და დაფინანსების/თანადაფინანსების ქვეპროგრამა

ა) ქვეპროგრამის ფარგლებში მოხდება სკოლის კურსდამთავრებულების ფინანსური წახალისება ერთიან ეროვნულ გამოცდებში ყველაზე მაღალი რეიტინგის (100 %-ანი საგრანტო ქულის) მიხედვით, რომლის საფუძველზეც მოიპოვებს სწავლის გაგრძელების უფლება უმაღლეს საგანმანათლებლო დაწესებულებაში;

აღნიშნული ინიციატივა ეხება კურსდამთავრებულების 2 კატეგორიას:

ა. ბ) გორის მუნიციპალიტეტში რეგისტრირებულ და მუნიციპალიტეტის საჯარო და კერძო სკოლების კურსდამთავრებულებს;

ა. ბ) გორის მუნიციპალიტეტში რეგისტრირებულ (ბოლო 2 წელი) კურსდამთავრებულებს, რომლებსაც მოუწიათ საქართველოს სხვა მუნიციპალიტეტების ზოგადსაგანმანათლებლო დაწესებულებებში სწავლა.

ბ) ქვეპროგრამის ფარგლებში მოხდება სხვადასხვა საგანმანათლებლო ღონისძიებებში (საერთაშორისო კონკურსები, კონფერენციები, ოლიმპიადები) გამარჯვებული მოსწავლეების დაჯილდოვება (ფასიანი საჩუქრები/ სტიპენდიები), აგრეთვე საზეიმო ღონისძიებების ორგანიზება.

გ) ქვეპროგრამა ითვალისწინებს „ზოგადი განათლების შესახებ“ საქართველოს კანონის 23-ე და 30-ე მუხლის თანახმად მოსწავლეთა მიმართ ზოგადი განათლების მიღების უზრუნველსაყოფად შესაბამისი ზომების გატარებას, კერძოდ, გორის მუნიციპალიტეტის მერია უფლებამოსილია მიიღოს ზომები იმ მოსწავლეთა მიმართ ზოგადი განათლების მიღების

უზრუნველსაყოფად, რომელთაც ავადმყოფობის გამო ან სხვა საპატიო მიზეზით ვერ შეძლეს საგაკვეთილო პროცესში მონაწილეობის მიღება.

დ) ქვეპროგრამის ფარგლებში გათვალისწინებულია საზაფხულო ბანაკის მოწყობა გორის მუნიციპალიტეტის საჯარო და კერძო სკოლების 2021-2022 სასწავლო წლის კურსდამთავრებულებისთვის, მე-12 კლასელებისთვის და გორის მუნიციპალიტეტის უმაღლესი სასწავლო დაწესებულების სტუდენტებისთვის და მიზნად ისახავს ახალგაზრდების ჩართულობის გაზრდას ადგილობრივი თვითმართველობის პროცესებში, კერძოდ, გადაწყვეტილების მიღების პროცესში ახალგაზრდების ჩართულობის სტიმულირებას. საზაფხულო ბანაკის მონაწილეები ბანაკში არაფორმალურ გარემოში გაივლიან სატრენინგო კურსს კვალიფიციური ტრენერებთან შემდეგ თემატიკაზე:

- დ.ა) სტრესის მართვა, ეფექტური კომუნიკაცია;
- დ.ბ) სამოქალაქო აქტივიზმი და მისი ფორმები;
- დ.გ) ადგილობრივი თვითმართველობა და ამომრჩეველი;
- დ.დ) ადგილობრივი პრობლემების ანალიზი და ადვოკატირება;

საზაფხულო ბანაკის შემდეგ ახალგაზრდებს ექნებათ შესაბამისი უნარები მოიძიონ ინფორმაცია და მოახდინონ პრობლემების იდენტიფიცირება ან თავად გაუწიონ ადვოკატირება მათთვის საჭირო და აქტუალურ საკითხებს, ჰქონდეთ მჭიდრო კომუნიკაცია ადგილობრივ თვითმართველობასთან და ერთობლივი ძალისხმევით გადაჭრან მათთვის მნიშვნელოვანი საკითხები.

ბენეფიციართა შერჩევის კრიტერიუმებია: გორის მუნიციპალიტეტის საჯარო და კერძო სკოლების 2021-2022 სასწავლო წლის კურსდამთავრებულები, გორის მუნიციპალიტეტის საჯარო და კერძო სკოლების მე-12 კლასელები და გორის მუნიციპალიტეტის უმაღლესი სასწავლო დაწესებულების სტუდენტები.

ბენეფიციარმა უნდა წარმოადგინოს სამოტივაციო წერილი.

საზაფხულო ბანაკის ბენეფიციართა შერჩევა განხორციელდება ორ ეტაპად: I ეტაპი - სააპლიკაციო ფორმების გადარჩევა კრიტერიუმების შესაბამისად; II ეტაპი - გასაუბრება.

9. კულტურული ღონისძიებების ხელშეწყობა და თანადაფინანსების ქვეპროგრამა

ქვეპროგრამა ითვალისწინებს საპატიო გორელების და გორის მუნიციპალიტეტში რეგისტრირებული შემოქმედი, წარმატებული ხელოვანების ხელშეწყობას, დაჯილდოვებას და მათ წახალისებას, ასევე, სხვადასხვა კონკურსებში და ფესტივალებში გამარჯვებული ხელოვანების დაჯილდოვებას ფასიანი საჩუქრით ან ფულადი ჯილდოთი.

10. ახალგაზრდული ღონისძიებების ხელშეწყობის ქვეპროგრამა

ქვეპროგრამის ფარგლებში მოხდება სოციალურად აქტიური ახალგაზრდების წახალისება: საერთაშორისო, საქართველოს ან გორის მუნიციპალიტეტის მასშტაბით სხვადასხვა სახის აქტივობებში წარმატების მიღწევისათვის წახალისების/დაფინანსების ფორმად განისაზღვრება: ერთჯერადი ფულადი ჯილდო, სტიპენდია, ფასიანი საჩუქარი, ადგილობრივი ან საერთაშორისო საგზური, სერტიფიკატი/სამადლობელო სიგელი, ექსკურსია, გამაჯანსაღებელ ცენტრში ვიზიტი, საგანმანათლებლო კურსი, ბანაკი, სხვა ნებისმიერი წამახალისებელი აქტივობა, რომელიც არ ეწინააღმდეგება საქართველოს კანონმდებლობას.

დაფინანსება განხორციელდება კონკრეტული ბენეფიციარის მიერ გამარჯვების ან/და წარმატების დამადასტურებელი დოკუმენტაციის და გორის მუნიციპალიტეტში რეგისტრაციის დამადასტურებელი დოკუმენტაციის წარდგენის შემდეგ.

11. მოსალოდნელი საბოლოო შედეგი:

- ა) მოსწავლე-ახალგაზრდებისა და სკოლის კურსდამთავრებულების წახალისება;
- ბ) ადგილობრივი თვითმართველობისა და პროგრამაში მონაწილე ორგანიზაციების/უწყებების თანამშრომლობა და კოორდინაცია.
- გ) სოციალურად აქტიური ახალგაზრდების წახალისება
- დ) საპატიო გორელების და გორის მუნიციპალიტეტში რეგისტრირებული შემოქმედი, წარმატებული ხელოვანების, დაჯილდოვება და მათ წახალისება

12. პროგრამის საბოლოო შედეგის ინდიკატორები:

მოსალოდნელი საბოლოო შედეგი	შედეგის ინდიკატორები			
	დასახელება	2022 წელი	პასუხისმგებელი საბიუჯეტო ორგანიზაცია/სამსახური	შესაძლო რისკი
მოსარგებლე ბენეფიციართა რაოდენობა	გორის მუნიციპალიტეტის საგანმანათლებლო, კულტურული და ახალგაზრდული ღონისძიებების წახალისების და დაჯილდოვების პროგრამა	გაცემული წახალისება/ჯილდო და ფოტომასალა;	განათლების, კულტურის, სპორტისა და ახალგაზრდულ საქმეთა სამსახური	1. მომართვიანობის სიხშირე (დაბალი ან მაღალი რაოდენობრივი მაჩვენებელი); 2. ღონისძიებების მიზნობრიობა და აქტუალურობა;

13. დამატებითი ინფორმაცია:

- ა) პროგრამის ფარგლებში წახალისება/დაჯილდოვება შესაძლებელია განხორციელდეს გორის მუნიციპალიტეტის მერიის ინიციატივით ან შემოსული განაცხადის საფუძველზე, რომელიც უნდა შეიცავდეს ინფორმაციას/დოკუმენტაციას შესაბამისი ქვეპროგრამით სარგებლობისთვის საჭირო ფაქტებისა და გარემოებების თაობაზე. შემოსულ განაცხადებს განიხილავს გორის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახური. გორის მუნიციპალიტეტის მერიის მხრიდან თანხის ანაზღაურება/ჯილდოს გადაცემა მოხდება დადებითი გადაწყვეტილების შემთხვევაში.
- ბ) პროექტის განხორციელებას მონიტორინგს უწევს შესაბამისი სტრუქტურული ერთეული.
- გ) მე-8 პუნქტის „დ“ ქვეპუნქტით გათვალისწინებული ქვეპროგრამის ფარგლებში საზაფხულო ბანაკის ბენეფიციართა შერჩევის პირველი ეტაპის (სააპლიკაციო ფორმების გადარჩევა) განხორციელებას უზრუნველყოფს შესაბამისი სტრუქტურული ერთეული, ხოლო მეორე ეტაპის განხორციელებას (გასაუბრება) - გორის მუნიციპალიტეტის მერის ბრძანებით შექმნილი სამუშაო ჯგუფი, რომლის რეკომენდაციის საფუძველზე საბოლოო გადაწყვეტილებას იღებს მერი;

დ) მე-8 პუნქტის „დ“ ქვეპუნქტით გათვალისწინებული ქვეპროგრამის ფარგლებში გორის მუნიციპალიტეტის მერია შეისყიდის საჭირო მომსახურებას „საზაფხულო ბანაკის“ განსახორციელებლად.